

ხელშეკრულება №231  
სახელმწიფო შესყიდვის შესახებ

ქ. ქობულეთი

25 სექტემბერი 2015 წელი

სახელმწიფო შესყიდვის განხორციელების მიზნით, სახელმწიფო შესყიდვების შესახებ საქართველოს კანონის მე-2 თავის, მე-10<sup>1</sup> მუხლის, მე-3 პუნქტის „ა“ ქვეპუნქტის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტიცების შესახებ“ სახელმწიფო შესყიდვების სააგენტოს 2011 წლის 7 აპრილის №9 ბრძანების მე-3 მუხლის მე-2 პუნქტის „ა“ ქვეპუნქტის შესაბამისად, ერთი მხრივ, ქობულეთის მუნიციპალიტეტი (შემდგომში „შემსყიდველი“), წარმოდგენილი ქობულეთის მუნიციპალიტეტის გამგებლის მოვალეობის შემსრულებლის ირაკლი ცეცხლაძის სახით და მეორეს მხრივ, შპს „სენსონი“ (შემდგომში „მიმწოდებელი“) წარმოდგენილი მისი დირექტორის მალხაზ ფარეიშვილის სახით, დებენ წინამდებარე ხელშეკრულებას შემდეგზე:

**1. გამოყენებული ტერმინების განმარტებები**

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3 „შემსყიდველი ორგანიზაცია“ (შემდგომ „შემსყიდველი“) - შესყიდვის განმახორციელებელი პირი;

1.4 „მიმწოდებელი“ - პირი, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ;

1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

**2. ხელშეკრულების შესრულების კონტროლი**

**2. ხელშეკრულების შესრულების კონტროლი**

2.1 ხელშეკრულებით ნაკისრი ვალდებულებების შესრულების კონტროლს განახორციელებს კონტროლის ჯგუფი.

**2.2 კონტროლის ჯგუფის ფუნქციებია:**

2.2.1 გაწეული და/ან გასაწევი მომსახურეობის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება, ასევე მიღება-ჩაბარების აქტის გაფორმება მიმწოდებლის მიერ მომსახურების გაწევის დასრულების შესახებ, ინფორმაციის წარმოდგენიდან 20 (ოცი) კალენდარული დღის ვადაში.

2.2.2 სახელმწიფო შესყიდვების შესახებ ხელშეკრულების პირობების შესაბამისად მიმწოდებელთან ანგარიშსწორების პროცესის რეგულირება.

**3. ხელშეკრულების საგანი**

ქალაქ ქობულეთში, რუსთაველის ჩიხი N3 სპორტული კომპლექსის მშენებლობის არსებული პროექტის ცვლილებების, დამატებების, თანამედროვე სტანდარტების შესაბამისობაში მოყვანის მომსახურებები, თანახმად წინამდებარე ხელშეკრულებაზე თანდართული ტექნიკური დავალება და დანართი №1-სა (71300000 - საინჟინრო მომსახურებები).

**4. სტანდარტები**

ხელშეკრულების ფარგლებში გაწეული მომსახურება უნდა შეესაბამებოდეს დადგენილ სტანდარტებს.

**5. მომსახურების გაწევის პირობები**

5.1 მომსახურების გაწევა განხორციელდება ტექნიკური დავალებისა და შემსყიდველის მოთხოვნის შესაბამისად.

5.2 მომსახურების გაწევის ვადაა ხელშეკრულების გაფორმებიდან 30 (ოცდაათი) კალენდარული დღე.

**6. შესყიდვის ობიექტის მიღება-ჩაბარების წესი**

შესყიდვის ობიექტი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

**7. ღირებულება და ანგარიშსწორების წესი**



7.1 ხელშეკრულების ღირებულებაა 10932,7 (ათიათასცხრაასოცდათორმეტი ლარი და სამოცდაათი თეთრი) ლარი. ხელშეკრულების ღირებულება მოიცავს ხელშეკრულებით გათვალისწინებული მომსახურების შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

7.2 ანგარიშსწორება მიმწოდებელთან ხორციელდება უნაღდო ანგარიშსწორების წესით, ფაქტიურად გაწეული მომსახურების მიხედვით, „მიმწოდებლის“ მიერ მითითებულ საბანკო ანგარიშზე.

7.3 ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი და საგადასახადო ანგარიშ-ფაქტურა.

7.4 „მიმწოდებელთან“ ანგარიშსწორება განხორციელდება 7.3 პუნქტით გათვალისწინებული დოკუმენტების წარმოდგენიდან 10 (ათი) კალენდარული დღის განმავლობაში.

## 8. მხარეთა უფლება-მოვალეობები

### 8.1 შემსყიდველი უფლებამოსილია:

8.1.1 საქართველოს კანონმდებლობის შესაბამისად, შეაჩეროს ან შეწყვიტოს ხელშეკრულების მოქმედება, თუ მიმწოდებლის მიერ წარმოდგენილი მონაცემები ყალბი აღმოჩნდება, აგრეთვე, საქართველოს კანონმდებლობით გათვალისწინებულ სხვა შემთხვევებში;

8.1.2 აწარმოოს მიმწოდებლის მიერ გაწეული მომსახურების ხარისხის კონტროლი (ინსპექტირება) სახელმწიფო შესყიდვის შესახებ ხელშეკრულების შესრულების ნებისმიერ ეტაპზე.

### 8.2 შემსყიდველი ვალდებულია:

8.2.1 მოახდინოს ანგარიშსწორება მიმწოდებელთან წინამდებარე ხელშეკრულების მე-7 მუხლით გათვალისწინებული პირობებით;

### 8.3 მიმწოდებელი უფლებამოსილია:

8.3.1 მიიღოს გაწეული მომსახურებისათვის ხელშეკრულებით გათვალისწინებული ანაზღაურება;

### 8.4 მიმწოდებელი ვალდებულია:

8.4.1. მიაწოდოს შემსყიდველს უფლებრივად და ნივთობრივად უნაკლო მომსახურება,

8.4.2. უზრუნველყოს ხელშეკრულებით გათვალისწინებული მომსახურების გაწევა შემსყიდველის მოთხოვნის შესაბამისად.

8.4.3 საკუთარი რესურსებით უზრუნველყოს „შემსყიდველი“ კონტროლის ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

## 9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ხელშეკრულებაში ცვლილებების შეტანა შესაძლებელია ასევე საქართველოს სამოქალაქო კოდექსის 398-ე მუხლით გათვალისწინებული გარემოებებისას.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის (შეთანხმება) სახით, რომელიც ჩაითვლება ხელშეკრულების განუყოფელ ნაწილად.

## 10. ხელშეკრულების პირობების შეუსრულებლობა


10.1 ხელშეკრულების პირობების დაგვიანებით შესრულების შემთხვევაში, ვალდებულების დამრღვევ მხარეს ეკისრება პირგასამტებლო ყოველ ვადაგადაცილებულ დღეზე ხელშეკრულების ფასის 1%-ს ოდენობით,

10.2 საჯარიმო სანქციების გადახდა არ ათავისუფლებს მიმწოდებელს მირითადი ვალდებულებების შესრულებისაგან.

10.3 იმ შემთხვევაში, თუ დაკისრებული პირგასამტებლოს ჯამური თანხა გადააჭარბებს ხელშეკრულების ღირებულების 10%-ს, მხარეებს უფლება აქვთ შეწყვიტონ ხელშეკრულება.

10.4 მიმწოდებელი პასუხისმგებელია სრულყოფილი საპროექტო – სატენდერო დოკუმენტაციის ხარისხიანად დამუშავებაზე და სამშენებლო სამუშაოების სახარჯთაღრიცხვო დოკუმენტაციის შედგენაზე;

10.5 იმ შემთხვევაში, თუ მიმწოდებელის დაშვებული ხარვეზების გამო, შენებლობის პროცესში აღმოჩნდება პროექტში დაშვებული ცდომილება და რომელს აღმოფხვრის მიზნით არ იქნება სავმარისი სამუშაოებისათვის გათვალისწინებული თანხის ~3% აუცილებელი შემთხვევაში დამატებითი სამუშაოების ანაზღაურებას მიმწოდებელი იღებს თავის თავზე.



## 11. ხელშეკრულების შეწყვეტა მისი პირობების შეუსრულებლობის გამო

11.1 წინამდებარე ხელშეკრულების შეწყვეტის საფუძვლებია:

ა) მხარეთა შეთანხება;

ბ) ხელშეკრულებით ნაკისრი ვალდებულებების შესრულება;

გ) ერთი მხარის მიერ 10 (ათი) დღის განმავლობაში ხელშეკრულებით ნაკისრი ვალდებულების შეუსრულებლობა;

დ) საქართველოს სამოქალაქო კოდექსის 399-ე მუხლით განსაზღვრული შემთხვევა;

ე) საქართველოს კანონმდებლობით გათვალისწინებული სხვა შემთხვევები.

## 12. ხელშეკრულების ვადა

წინამდებარე ხელშეკრულება მაღაში შედის მხარეთა ხელმოწერის დღიდან და მოქმედებს 2015 წლის 30 დეკემბრის ჩათვლით.

## 13. დაუძლეველი ძალა (ფორს – მაჟორი)

13.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის (ფორს–მაჟორი) ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

13.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათვალისწილდება ნაკისრი ვალდებულებებისაგან.

13.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

## 14. განსაკუთრებული პირობები

14.1 მხარეები თანხმდებიან, რომ ის ურთიერთობანი, რომელიც არ იქნა მოწესრიგებული წინამდებარე ხელშეკრულებით, რეგულირდება საქართველოს მოქმედი კანონმდებლობით;

14.2 ხელშეკრულება შედგენილია ქართულ ენაზე, 4 (ოთხი) ეგზემპლარად და თითოეულ მათგანს იურიდიული ძალა აქვს;

14.3 ხელშეკრულების ერთი ეგზემპლარი ეგზავნება „მიმწოდებელს“, ხოლო სამი ინახება შემსყიდველ ორგანიზაციაში.

## 15. „შემსყიდველი“–ს იურიდიული მისამართი და რეკვიზიტები

15.1 „შემსყიდველი“–ს მისამართი: ქ. ქობულეთი, დავით აღმაშენებლის გამზირი №141;

15.2 „შემსყიდველი“–ს საიდენტიფიკაციო კოდი 247001890;

15.3 „შემსყიდველი“ – ქობულეთის მუნიციპალიტეტი.

## 16. „მიმწოდებელი“–ს იურიდიული მისამართი და რეკვიზიტები

16.1 „მიმწოდებელი“–ს მისამართი: ქ.თბილისი, გიორგი ბრწყინვალეს N5

16.2 „მიმწოდებელი“–ს საბანკო რეკვიზიტები: სს „თიბისი ბანკი“, ბანკის კოდი TBCBGE22, ა/ა GE53 TB40 8053 6080 1000 03; საიდენტიფიკაციო კოდი 205138509;

16.3 „მიმწოდებელი“ – შპს „სენსონი“

„შემსყიდველი“ – ქობულეთის მუნიციპალიტეტი

გამგებლის მ.შ.

ირაკლი ცეცხლაძე

„მიმწოდებელი“ – შპს „სენსონი“

მალხაზ ფარეიშვილი

ქალაქ ქობულეთში, რუსთაველის ჩიხი N3 სპორტული კომპლექსის მშენებლობის არსებული პროექტის ცვლილებების, დამატებების, თანამედროვე სტანდარტების შესაბამისობაში მოყვანის მომსახურებების ფასების ცხრილი

№	გასაწევი მომსახურების დასახელება	განზომილება	ღირებულება
1	საველე სამუშაოები (ობიექტის მდგომარეობის ადგილზე შესწავლა, არსებული მდგომარეობის ფიქსირება პროექტთან თანხვედრაში)	ლარი	1650
2	არსებული პროექტის ცვლილებები	ლარი	
2.1	გათბობის სისტემების პროექტის მომზადება (მოდერნიზება) ბუნებრივი აირის მეშვეობით	ლარი	2500
2.2	ელექტრო სისტემების ხელახალი დაპროექტება (გათბობის სისტემების ცვლილებებიდან გამომდინარე)	ლარი	1985
2.3	სახანძრო უსაფრთხოების სიგნალიზაციის პროექტის შედგენა	ლარი	1750
2.4	არსებული სიტუაციიდან გამომდინარე ახალი სახარჯთაღრიცხვო დოკუმენტაციის შედგენა	ლარი	1380
3	ჯამი	ლარი	9265
4	დღგ	ლარი	1667,7
5	სულ	ლარი	10932,7

შპს „სენსონი“-ის დირექტორი:



მალხაზ ფარეიშვილი

შესყიდვის ობიექტის ტექნიკური დავალება:

1. საველე სამუშაოები (ობიექტის მდგომარეობის ადგილზე შესწავლა, არსებული მდგომარეობის ფიქსირება პროექტთან თანხვედრაში)
2. არსებული პროექტის ცვლილებები
- 2.1 გათბობის სისტემების პროექტის მომზადება (მოდერნიზება) ბუნებრივი აირის მეშვეობით
- 2.2 ელექტრო სისტემების ხელახალი დაპროექტება (გათბობის სისტემების ცვლილებებიდან გამომდინარე)
- 2.3 სახანძრო უსაფრთხოების სიგნალიზაციის პროექტის შედგენა
- 2.4 არსებული სიტუაციიდან გამომდინარე ახალი სახარჯთაღრიცხვო დოკუმენტაციის შედგენა

შპს „სენსონი“-ს დირექტორი:

მალხაზ ფარეიშვილი



ხ ე ლ წ ე რ ი ლ ი

ინტერესთა კონფლიქტის არარსებობის შესახებ

ქ.ქობულეთი

25 სექტემბერი 2015 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ხელის მოწერით ვადასტურებ, რომ ქალაქ ქობულეთში, რუსთაველის ჩიხი №3 სპორტული კომპლექსის მშენებლობის არსებული პროექტის ცვლილებების, დამატებების, თანამედროვე სტანდარტების შესაბამისობაში მოყვანის მომსახურებების (CPV-71300000, საინჟინრო მომსახურებები) შესყიდვის განხორციელებაში, შპს „სენსონი“-ს მონაწილეობა არ იწვევს ინტერესთა კონფლიქტს.

გამგებელი:



სულხან ევგენიძე